



蜀典

著作類
動植類
卷九之十

ル 5
3398
4



門 5
號 3398
卷 4

蜀典卷九

動植類

老威介侯甫張 澍編輯

猛氏咬鐵曾耳食彪文章酒釀麩樹鹽收蛇有歧尾鹿或
雙頭竹林鳥細巴滇馬適不賢識小何病溝猶

朱橘

傳巽七誨恆陽黃梨巫山朱橘南中茶子西極石蜜

陰沈木

李膺益州記邛都陷為湖風靜水清猶見城郭樓櫓斐然今水
淺時彼土人沒水取得舊木豎貞光黑如漆今好事人目為枕

蜀典

卷九

動植類

一

早稻田大學圖書館
29.5.4
藏書

相贈按逸周書王會篇卜人呂丹沙夸用闕木注木生水中黑色而光堅如鐵集韻茲消劫音焦木名皮堅黑若鐵生水中或謂卽今烏木者非也屏山瀕水之處高岸積圮往往出陳木居人掘沙泥亦時得之其理緻其色黝作器具可臚也俗呼爲陰沈木當卽闕木

風連

劉逵蜀都賦注云風連出岷山

瓜

埤蒼瓜籐屬蜀人以織布按廣韻瓜匹卦切集韻卜卦切竝音派類篇瓜木皮也

莎樹

齊民要術云蜀志記莎樹出麪一樹出一石正白而味似桄榔出興古按一引云莎木樹高十餘丈闊四五圍樹巔生葉兩邊行列如飛鳥皮中有白麪尺許磨屑不可餘信呼莎麪輕滑勝桄榔麪

給客橙

上林賦注鄧璞曰蜀中有給客橙似橘而非若柚而芳香夏秋一作華實相繼或如彈丸如手一作拳指通歲食之一名盧橘按通志引花木志文同有脫漏字又常璩志江陽郡有蒟醬給橙卽給客橙也

春日瓜 石瓜

鄧義恭廣志蜀地温良瓜冬熟有春日瓜細小小瓣宜藏正月種三月熟有秋泉瓜秋種十月熟形如羊角色蒼黑物類相感志石瓜出峩眉山巖壑中或云蔓生其文斑然一若小菜瓜形取療腳氣用之足下乘碾得煥則能已氣疾者也

卮薑

史記貨殖傳巴蜀亦沃鄙地饒卮薑丹砂石銅鐵竹木之器桮卮薑卽此薑也上林賦有此薑司馬彪云紫色之薑則此矣紫古通用四民月令九月藏此薑注字林曰薑禦溼之菜卮音紫齊民要術注生薑謂之此薑說文云此藐紫草不足釋草藐此

草部氏云可以染紫或以卮爲焉支又或以卮爲梔子樹卽鮮支也見相如賤

斲木

三國志張嶷傳斲木堅剛性委曲高不至二丈

交讓樹

張騫博物志交讓樹兩樹相對一樹枯則一樹生如是歲更終不俱生俱枯也出岷山在安都縣按任昉述異記云黃金山有楠樹一年東邊榮而西邊枯一年西邊榮而東邊枯年年常然張騫所謂交讓樹也亦見潯陽記安都縣卽今灌縣交讓卽今楠木兩樹相對一生則一枯其木眞上柯葉不相妨

文章

譙周巴蜀異物贊文章作酒能成其味以金買草不言其貴注曰卽五加皮也按東筭真人煮石經舜常登蒼梧山曰厥金玉之香草朕用偃息正道此乃五加也又異名曰金鹽昔西域真人王屋山人王常言何以得長久何不食石蓄金鹽何以得長壽何不食石用玉鼓玉鼓者卽地榆也五加地榆皆是煮石而餌得長生之藥也昔尹公度聞孟綽子董士固共相與言曰寧得一把五加不用金玉滿車寧得一斤地榆安用明月寶珠是五加皮本號金草非以金買草也文章通志引作文章誤

杌木

山海北山經單狐之山多杌木郭注杌木似榆可燒以糞稻田出蜀中音飢

筍竹

廣韻筍竹名出蜀按戴凱之竹譜有筍竹注云筍味落人鬢髮玉篇筍竹有刺

塗山梨

洞冥記塗山梨大如升色紫千年一花亦曰紫輕梨

扶留

蜀記扶留木根大如箸視之似柳根又有蛤名古賁生水石下燒以爲灰曰牡蠣粉先以檳榔著口中又取扶留籐長一寸古

賁灰少許同嚼之除胸中惡氣嵇含草木狀孟詵食療謂蒟醬
 卽葶菱其蔓葉名扶雷籐一作扶櫛又作浮雷李時珍以爲蒟
 子蔓生葶菱草同類而非一物嵇氏以二物爲一物謂蒟子非
 扶雷蓋不知扶雷非一種也劉歆期交州記云扶雷有三種一
 名獲雷其根香美一名扶雷籐其味亦辛一名南扶雷其葉青
 味辛是矣今蜀人惟取葶葉作酒麴云香美

鹽麩樹

陳藏器本草鹽麩樹一名叛奴鹽一名天鹽一名木鹽蜀人謂
 之酸桶按博物志云酸桶七月出穗蜀人謂之呈呈音穗其字
 从一从口从土阜主客之主不同又按類篇檄楠木名葉如椿

生蜀山中子上有鹽如霜當卽鹽麩樹也

平蒂甘

廣志有甘一核有成都平蒂甘大如升色蒼黃韃爲南安縣出
 黃甘

核果

蜀郡雜鈔梵文甚細如敘果有五棗杏等謂之核果梨柰等謂
 之膚果椰子胡桃等謂之殼果松子柏仁等謂之檜果大小豆
 等謂之角果核殼易解膚可咬也角等言亦稱豆角惟檜頗與
 核字書麤糠皮謂之檜

赤梗

樊光尔正注梅柟益州曰赤梗葉似豫章無子

戎州李

廣志李戎州所出因熟而皮猶綠

福鄉奈

類要萼易雷平山地美可種奈所謂福鄉之奈以除災異

婆羅棉樹

黎州通望縣圖經黎州通望縣有銷樟花木攷院在縣西一百

步內有天王堂前古柏樹下有池池南有婆羅棉一作樹三

四人連手合抱方匝先生花而後生葉其花盛夏方開謝時不

背而墮宛轉至地其花藥有綿謂之婆羅綿善政鬱茂違時枯

凋古老相傳云是因齒和尚住持之靈跡也縣界有和尚山和尚廟皆因齒也按花木考無古老以下數句

黃柑

隨書文帝好食柑蜀中摘黃柑以蠟封其蒂獻之香氣不散按唐史拾遺益州每年進柑子皆以紙裹之後易以布

萸芝

張溟雲谷雜記蜀中有一種木彼人呼為萸芝其樹常高丈餘不甚增長花小而白每一歲開花次年方結子又次年方熟蓋歷三歲子如楮實有文如龜背味甘酸可食今青城山范仙觀邛州蒲江縣崇真觀皆有之故信傳以為仙果蟠桃三千年一

實世謂方士誇誕之言以此推之六合之外世人所不及安知無三千年一實者哉原注萇烏恢切或呼為瓌芝蓋語之訛也故臨邛記只作萇芝也

古柏

圖經道家多作柏葉湯常點盃人古柏葉尤奇今益州諸葛亮廟中有大柏木相傳是蜀世所植故人多採取以作藥其味甘香異於常柏也

楷木

酉陽雜俎蜀中有木類柞照木榮時如枯枿隆冬方萌芽布陰蜀人呼為楷木

枋

徐鍇說文繫傳按字書枋檀木也又蜀人以木偃魚為枋按方言云蜀人以木偃魚曰枋楚金說誤又按通典曹公於水口下大枋木成偃遏水入白溝時人號枋頭溝洫志黎陽遮害亭西十八里至淇水口等桓温敗於枋頭即此則方言所言者是矣

楠木

山海經橐山多楠十部注今蜀中有構木七八月中吐穗穗成如有鹽粉著木可以酢羹音備

枸

說文枸木也可以為醬出蜀从木句聲徐鍇云史記注說枸木

義多惟顏師古曰子形如山甚緣木而生味尤辛宕渠有之陸璣草木疏枸樹高六如白楊子長數寸噉之甘美如飴蜀以爲醬亦書作蒟

鬱木

硯北雜志峽川黃牛廟後鬱木似冬青落葉似符篆不同

黃葛

寰宇記羅自縣東南三十里陽山江許兩樹對植圍各三尺一寸上引橫枝互二丈圍徑相接連理蔭茈百尺其木名黃葛嘉樹敘州府志黃葛木其形如眾籐連理合而爲一大者合抱高數丈葉如橡根喜緣崖壁生擁腫屈曲不爲材用韻書云壽可

千歲按屏山最饒黃葛以甘酒壘者爲最正益州記云黃葛峽有相思崖芳泉用灌信謂之神窟在涪州又水經注云江水右經黃葛峽舊巴志塗山足有古黃葛樹卽黃葛峽也錦繡萬花谷忠州景德觀前有古木大數十圍枝柯盤鬱如蓋山中入云此黃葛木千年物也南方草木狀榕樹南海桂林多植之葉如木麻實如冬青樹幹拳曲是不可以爲器也其本稜理而深是不可以爲材也燒之無焰是不可以爲薪也以其不材故能久而不傷其蔭十晦故人以爲息焉而又枝條旣繁葉又茂細軟條如籐垂漸漸入地籐梢入地便生根節或一大株有根四五處而橫枝及鄰樹卽連理南人以爲常不謂之瑞木是蜀中黃

葛卽榕也

長樂筭

傳休奕紫花賦序紫花一名長樂筭舊生於蜀其東界特饒中國奇而種之余嘉其筭純耐久可歷冬而服故與友生冬爲之賦

椒

蜀郡賦注云岷山特多藥其椒特多好者絕異於天下之好者

文山芝 文山采石

焦贛易林文山紫芝雍梁朱草生長和氣福祿來處按焦氏所言文山卽汶山也山海中山經汶山亦作文山汶山卽岷山也

應劭漢書注文山今蜀郡岷山蓋古字通用穆天子傳天子三日游於文山于是取采石部注云以有采石故號文山經云岷山多白珉穆傳言取采石蓋謂此

和尚蕈

成都記縣州淨慧寺近池人多捕魚爲業僧惠寬與受戒且曰尔輩不當以此爲給吾能令汝所得不失于舊因指其池畔盡生菌蕈漁人採之省力得利後人呼爲和尚蕈也

旋覆根

朝野僉載筋斷須續者取旋覆根絞取汁以筋相對以汁塗而封之卽相續如故蜀兒奴逃走多割筋以此續之百不失一按

旋覆本草謂之金沸草綱目謂之金錢花尔疋謂之盜庚酉陽雜俎一名昆尸沙自梁孝帝時始進入中國寇宗奭曰旋覆葉如大菊又如艾蒿秋開花大如梧桐子花淡黃色

蓋

本草云蓋草可以染流黃作金色生蜀中蘇恭掌禹錫皆云信名葇葇草尔疋所謂王芻詩淇澳之葇也按說文有蓋又別有葇則蓋非葇明矣

舞草

酉陽雜俎舞草出雅州三葉如決明一葉在莖端兩葉居莖之半相對人或近之歌謳及抵掌必動葉如舞也李時珍謂卽虞

美人草亦無風獨搖之類或曰如雞冠花葉兩兩相對

翹兒花

蜀中詩話張泌江城子詞金簇小蜻蜓按小蜻蜓之飾疋所謂翹兒花也

漏蘆花

方書漏蘆一名飛廉本草飛廉一名負盤蜀人食之辣辛澍于同鄉楊春洲厲見之其葉如龍爪花色淺黃高五尺許初問之僕人云漏綠花蓋漏蘆花也

黃環

陶勝力別錄曰黃環生蜀郡山谷三月採根陰乾吳普曰蜀黃

環一名生芻二月生苗正赤高二丈葉黃圓端大經葉有汁黃
白五月實圓三月采根黃色從理如車輻解陶弘景曰似防已
亦作車輻理解蜀都賤云青珠黃環卽此或云是大戟花定非
矣用甚稀市人尠有識者蘇恭曰黃環惟襄陽大有餘處雖有
亦稀巴西人謂之就葛今園亭亦種之作藤生大者莖徑六七
寸根亦葛類

洛陽花

胡元質牡丹記蜀中自李唐後未有此花凡圖畫者皆名洛陽
花至僞蜀宣筭苑中牡丹雙開者十黃者白者俱三黃白相間
者四後主宴苑中賞之而花盛矣有花面徑七八寸葉至五十
者有檀心如墨者香聞五十步及蜀平花散落民間小東門外
有張百花李百花之號

蘘香

按蜀都賤劉淵注云蘘一名土茄葉覆地生根可食人飢則以
繼糧風土記云蘘香菜根似茅根蜀人所謂蘘香又按蘘并載
同側立切作蔬者誤卽今魚腥草也凶年人掘食之

大巢菜

項安世曰薇今之野豌豆也蜀人謂之大巢菜按今四川人搯
豌豆嬾稍食之謂之豌豆顛顛謂苗之尖也段若膺謂顛古之
采於山者野生者也其說非

狂花

南史宗劉亮爲益州刺史齋前石榴樹冬生花道士邵碩曰此謂狂花

渝州蓮萼

吳均齊春秋渝州西百里相思寺北石山有佛跡十二皆長三尺許闊一尺一寸深九寸中有魚文在佛堂北十餘步貞明二十年十月寺側泉內忽出紅蓮花面廣三尺遊旋往還無不歎訝經月不滅昔齊荊州城東天子井出錦于時士女取用非常錦不異經月乃歇亦此類也

朝日蓮

宋景文筆記云蜀中有蓮大如雀殼葉舒如錢幹亦有絲其萼盛開則向日朝指東亭朝遡南夕則西指隨日所指蜀人名曰朝日蓮按鄭熊番禺雜記海南有向日蓮花似木芙蓉而極香其花東西向日至莫而謝一呼夜合是朝日蓮不獨蜀中有也

賽蘭花

萼奇花木考蜀中有花名賽蘭花小如金粟香特馥烈戴之髮際香聞十步經日不散

羊負來

博物志昔洛中有人驅羊入蜀而胡臬子多刺粘綴于羊毛之中蜀人得其種植之名曰羊負來俗呼爲道人頭按陶宏景注

本草云一名羊負來昔中國無此物言從外國逐羊毛中來也
 据張粵說蜀中無此自中國至彼來據隱居說中國無之自外
 國來差互如此蓋卽詩之卷耳尔疋之蒼耳廣疋之苓耳陸璣
 疏之耳璫草本草之臬耳一名胡臬一名地葵一名菴鄭康成
 謂幽州人呼齋耳陶宏景謂之常思菜崔實四民月令作蕙耳
 卽臬耳也

稗草

酉陽雜俎蜀人飼馬以稗草以蘿蔔根飼馬馬肥

夔牛

尔疋摩牛部注出巴中重千斤又夔牛部注卽夔牛也如牛而
 大肉數千斤出蜀中山海經云岷山多夔牛部注云今蜀山中
 有大牛重數千斤名夔牛晉太興元年此牛出上庸郡人斃殺
 得三十八擔肉卽尔疋所謂犛按俗稱夔牛卽靈夔非也夔似
 牛一足夔牛四足夔無角夔牛有角夔水獸夔牛山獸也

稍割牛

博物志越巂郡有牛稍割取肉經日必復生如故按歷國傳云
 其國有稍割牛黑色角細長可四尺餘十日一割不割便困且
 死人服牛血皆老壽國人皆壽五百歲牛歲亦等於人天竺屬
 國也予中記大月氏有牛名日及今日割其肉明日瘡愈卽此
 牛也近刊寰宇記作及牛漏脫日字誤矣又涼州異物志云月

氏有羊尾重十斤割之供食尋生如故亦日及牛之類也

兩頭鹿

博物志益州有兩頭鹿名茶首音蔡茂按一本作茶苜機音蔡茂機或作蔡余義又作蔡苴機卽南蠻傳所謂食藥鹿也藥卽押不盧毒草也一名食毒鹿粵國志此鹿出雲陽南郡熊舍山卽余義也酉陽雜俎兩頭鹿亦名耶希又作耶命夸人謂鹿爲耶謂屎爲希唐韻屎字音希卽此義博物志又云其胎以四月取可治蛇虺毒溼書言一身兩頭而角累列亦卽董道所云千角鹿也盛弘之荊州記峽陵羆雲陽縣點蒼山產兩頭獸似鹿前後有頭一頭食一頭行山人時或見之按點蒼係雲南山盛說誤且兩頭者竝頭也謂前後有頭亦謬

雲臺山鹿

抱朴子昔張蓋踊及偶豪成二人精思于蜀雲臺山石室中忽有四人黃絹單衣葛巾往到其前曰勞乎道士辛苦幽隱于是二人顧視鏡中乃鹿也按巴縣三臺閣中犍爲長壽皆有雲臺山

猛氏

史記司馬相如傳格蝦蛤鋌猛氏注溼書音義曰蝦蛤猛氏皆獸名郭璞曰今蜀中有獸狀如熊而小毛淺有光澤名猛氏按猛氏卽猛豹也西山經云南山多猛豹郭注猛獸似熊而小毛

淺有光澤能食蛇食銅鐵出蜀中豹或作虎說文云獫狁似熊而黃黑色出蜀中猛豹亦即獫狁也

果然

李肇國史補劍南人之采果然者獲一果然則數十果然可盡得矣何哉其果然性仁不忍傷類見被獲者聚族而啼雖殺之終不去也太平寰宇記戎州夸地出獫狁似猿而四足短一騰一百五十步迅如飛鳥埤疋果然愛其類生相聚死相赴殺一可以致百故周官駢車然禛以明安則相求患難則相赴也

王衍馬

清異錄魏王繼岌奉命伐蜀王衍苑馬數百皆逸足也繼岌猶比選之得二十許匹格價不可言其名曰麝香駒錦耳驄駱十
二趁日驄偏界玉陷水駒長命驄孫兒驄籠皎白八百哥掠地雲宰地嬌六尺金

蜀馬

李濟翁資暇錄成都府出小駒以其便于難路號為蜀馬金陵宣城郡亦有小馬時人皆呼為宣州蜀馬語習不悟良可笑焉

巴滇馬

襄陽耆舊傳曰盧古盧戎也縣西山中有一道溱時常有數百匹馬出其中馬形皆小似巴滇馬三國時陸遜攻襄陽又值此穴中有數十匹馬出遜載還建業蜀使來有五部兵家滇池者

識其馬也云亾父所乘對之流涕

老易小魚

部義恭廣志老易小魚大如鍼號一斤千頭蜀人以爲醬按廣東陽江縣之鱮魚兒卽段公路北戶錄雲恩平州所出之鵝毛艇亦此類也元和志云鵝毛艇乃鹽藏鱮魚其味絕美細如鰕

義鼠 石鼠

異苑義鼠形如鼠每行遞相咬尾三五爲羣驚之則散信云見之者有吉兆成都有之劉昌嗣類山蜀中出石鼠毛可爲筆其名鼯

涪陵鳴龜 廣溱金龜

譙州巴蜀異物志涪陵多大龜其甲可以卜其緣中又似瑇瑁俗名曰靈父部璞尔正注蟪出涪陵郡大龜也其緣甲文似瑇瑁能鳴甲亦可卜俗呼靈龜是矣夔易記胸忍縣出靈龜咸熙元年獻龜於相府言出自龜溪也胸忍舊爲涪陵地夔易國志涪陵山有大龜其甲可卜其緣可釵世号靈釵錄異記老成三年庚午六月五日癸亥廣溱太守孟彥暉奏西湖有金龜徑寸遊於荷葉之上圖画上聞

臃龜 煮龜

異苑元嘉初益州刺史遣三人入山伐樵路迷或見一大龜如

車輪四足各躡一小龜而行又有百餘黃龜從其後三人叩頭
求示出路龜乃伸頭若有意焉因共隨逐龜得出路一人無故
取小龜割以爲臠食之須臾暴死惟不噉肉者無恙錄異記唐
蜀民有於江之上獲巨鼈者長尺餘其裙朱色煮之經宿游戲
自如又加火一日水涸而鼈不死舉家驚懼以爲龍也投于江
中浮泛去

曾耳獸

張鷟耳目記周永昌中涪州多虎暴有一獸似虎而絕大逐一
虎噬殺之錄奏檢瑞應圖乃曾耳也不食生物有虎則殺之按
朝野僉載唐天后中涪州老龍界多虎暴有一獸似虎而絕大
日正午逐一虎入人家噬殺之亦不食由是縣界不復有虎矣
錄奏檢瑞圖乃曾耳不食生物有虎暴則殺之也

狃

說文云獬狃似熊而黃黑色出蜀中郫璞山海經注邛來山有九
折坂出狃狃似熊而黑白駁亦食銅鐵也按字林獬狃似熊黃黑
出蜀一曰白豹也獬狃同卽尔疋之白豹山海經之猛豹也
今四川川中有此獸采薪者攜鐵飯甑入山每爲所齧其齒則
奸民用爲僞佛齒

黃腰

蜀地記黃菁一名墀微一名虔已鼪身狐首生子長大羣逐其

母令不得飲將有所求而易先此獸則不得矣

鉤蛇

水經若水注云山有鉤蛇長七尺尾末有歧在山間水中以尾鉤岸上人牛馬食之又李石續博物志朱提山有鉤蛇云云昇水經注所說同鄧璞中山經注今永昌郡有鉤蛇長數丈尾歧在水中鉤取岸上人牛馬咬之又呼馬絆蛇謂此類也北夢瑣言云蛟涎沫腥粘掉尾纏人而噬其血蜀人號為馬絆蛇頭如貓鼠有一點白濠州古城潭內馬絆蛇往往害人鄉里募勇者伐之身塗藥游泳於潭底蛟乃躍於沙汭蟠蜿力困里人譟噪以助竟斃之孫光憲以馬絆為蛟恐非

馬產龍駒

蜀志馬鳴溪昔土人鄭氏牧溪上馬產龍駒四蹄利爪朱鬃頰尾高七尺振鬣長鳴躍于水故名

五角羊

後漢書蜀汶山郡有五角羊按九州要記云汶山郡有鹿又有五角牛疑牛字誤北史吐谷渾拾寅通使于宋獻四角羊是松茂一帶兼有五角四角羊也

番羊

本草番羊出西番耳甚小西人謂之璽耳羊按威茂州出龍羊

野馬

陳禹謨名物考楚蜀界中多貉俗名野馬其皮紋上圓下方旁如魚鳥狀寢處其皮者能解醒設有警急輒毛豎乃知古人用呂製裘不特取其温厚也

巴州兔

酉陽雜俎韋絢言巴州兔作狸斑

殼

按說文犬屬豶以上黃腰已下黑食母猴或曰殼似牂羊出蜀北囂山中犬首而馬尾又按說文云北囂山有獨狝獸如虎白身豕鬣如馬山海經云北囂之山有獸焉狀如虎而白身馬尾犬首彘鬣名曰獨狝是獨狝即殼也廣韻作殼集韻音邁

孺骨魚

鄮義恭廣志云犍為郡犍道縣出孺骨黃魚按南中八郡志云黃魚形似鱸骨如蔥可食今屏山有之

沙綠魚 鮓魚

彙苑詳注沙綠魚魚之細者生隈瀨中狀如鮓大不五寸味甚美蜀人珍之按唐地理志利州土貢鮓魚出蜀江背鱗黑而膚理似玉蜀人以爲鱠極美

魚頭戴鐵釜

南中志曰邛都縣東南數里有水名邛廣都河從廣二十里深百餘丈有魚長一二丈頭特大遙視如戴鐵釜狀

通川河獺

朝野僉載通川界內多獺各有主養之竝在河側岸間獺若入穴插雉尾于獺孔前獺即不敢出去卻尾即出取得魚必須上岸人便奪之取得多然後自喫喫飽即鳴板以驅之還插雉尾更不敢出

比翼鳥

逸周書巴人以比翼鳥孔晁注巴人在南者比翼鳥不比不飛其名曰鷦鷯

文鶡

逸周書蜀人以文鶡文鶡者若翬雉作臯雞者誤孔晁注曰鳥有文

采者臯雉似鳧冀州謂之澤特部璞尔正鶡天雞注鶡雞赤羽引逸周書曰文鶡若采雞成王時蜀人獻之按西易雜俎魚復縣南山有鳥大如鴿鴿羽色多黑雜以黃白頭頗似雉有時吐物長數寸丹采彪炳形色類綬因名吐綬鳥今有吐綬雞蓋文鶡之類唯蜀有之馬邊雷波屏山地最夥大如翟五色仰日吐綬長一尺許須臾還收之嗉臆前大如斗行慮觸嗉一名避株鳥

益州獻鸚母

劉艾漢帝傳曰興平元年益州蠻夸獻鸚母三詔曰往者益州獻鸚母三枚晝夜食三升麻子今穀價騰貴此鳥無益有損可

付安西將軍楊定因令歸本土

長鳴雞 背明鳥

西京雜記成帝時交趾越嶲獻長鳴伺晨雞卽下漏驗之晷刻無差雞長鳴一食頃不絕長距善鬪通志引刪伺晨雞三字則所云下漏驗之晷刻無差爲贅語矣王子年拾遺記黃龍元年吳始都老昌時越嶲之南獻背明鳥形如鶴狀止不向明巢常對北多囚少毛其聲百變聞鐘磬笙竽之音則奮翅搖頭

子母鵲

彭乘墨客揮犀夔峽閒有子母鵲比常鵲差大雌雄未嘗相離虞者必雙得之閉雌于籠中縱雄出食食飽則歸縱雌亦然若

雙縱則去不復還矣

鷺鳥

山海經北山之內有蛇山蛇水出焉東入於海有五采之鳥飛蔽一鄉名曰鷺鳥鄧璞注溘宣帝元康元年五色鳥以萬數過蜀都卽此鳥也

王母鳥

柱詩注宋中官陳彥和在宣和閒掌苑禽言蜀中貢王母鳥狀如燕色紺翠碧尾甚長飛則尾開顛裊如兩旗

竹林

杜詩竹林爲我啼清晝吳若本注竹林蜀中鳥名西清詩話崇

寧閒有貢士自同谷來籠一鳥大如雀色正青善鳴曰此竹林鳥也海錄碎事竹林靜啼青竹筍竹林鳥名也

壓油

庶物異名疏益州有蟲曰壓油者形似水鳧每自暮時從水出自呼其名人因而採取以重石壓之油即津津油罄皮存投水復生蓋亦一種業報內典所謂壓油殃者是也

蒼鴿

天中記蜀有蒼鴿狀如香花

轂輓鳥

正字通鴟鴞蜀人呼轂輓鳥

竹蜜蜂

酉陽雜俎蜀中有竹蜜蜂好於野竹上結窠大如雞卵有帶長尺許窠弁蜜甚紺色可愛甘倍于常蜜又有蜂狀如蠟蜂稍大飛勁疾好圓裁樹葉卷入木竅及壁罅中作窠段成式嘗發壁尋之每葉卷中實以不潔或云將化為蜜亦見孔氏六帖

倅鬱

北夢瑣言陳藏器本草云砂倅又名倒行狗子蜀人號曰倅鬱旋乾土為孔常睡不動取致枕中令人夫妻同悅愚始遊成都止逆旋弁賣藥草李山人相熟見蜀城年少往往欣然而訪李生仍以善價酬因詰之曰媚藥徵其所用乃砂倅弁陳氏所說

同李生亦秘其所傳之法人不可得也老陵山川媚草無賴者以銀換之有因其術而男女發狂羅旤非細也

雪蛆

江鄰幾雜志曹方湖爲御史嘗刷卷四川言彼處高山深雪中出雪蛆官府遣軍士四山高處懸望雪中蠕蠕而動者則往取之渾如小猪無口足眼鼻儼然蛆形也其身全脂切片而食不易得也按雪蛆卽雪蠶也草木子云雪蠶生陰山北及峩峩山北二山積雪不消生蛆大如匏俗呼雪蛆味甘美可食

佛現了

陸深蜀都雜抄陝西黃臣言向爲川轄時親登峩峩觀佛光光未發時有鳥先飛過若言施主發心菩薩來到光旣散復來作聲施主布施菩薩去了又拾藏山中白石大小皆六稜照耀有光采疑光怪卽此石所爲也近余承勛亦言兩宿其上登絕頂亦見光具五采俯視在雲壑中其言白石弁黃同唯言鳥聲共三字若言佛現了其鳥類雀而稍大只有三枚別無種類三鳥飛佛殿中常就僧食但不見有長育耳

蜀典卷十上

卷威介侯甫張 澍編輯

著作類

蜀之能文不獨卿雲趙談周易莊注老君凡將難字清英

奇聞陽城經古允南論紛搜采一二齒頰芳芬

幽魄曲 東平歌 龍歸曲 與邪歌 伊鳴曲

琴操秦惠王以美女遺蜀王死葬之石鏡王追思之作幽魄之
曲按蜀王本紀寧易國志皆言叅都丈夫化為美女蜀王納為
妃非秦惠王所遺也寰宇記引蜀記云妃不習水上欲去王作
東平之歌以悅之物故作與邪之歌龍歸之曲龍歸一作就歸

誤又按揚雄蜀王本紀老都人有善知蜀王者將其妻女適蜀居蜀之後不習水土欲歸蜀王心愛其女畱之乃作伊鳴之歌聲六曲以舞之其說又异前異

李冰碑

金石文秦蜀守李公官湔壩隄碑深淘濶淺包隄注濶古灘字隄即堰也按爾疋釋水濶沙出注今江東呼水沙堆為濶又歲在申曰濶灘史記作芮漢又作濶漢孔廟禮器碑作濶歎是濶灘漢歎古字通用也淺包隄一引作堰誤

楊終賤雷電

袁山松書曰時蜀郡有雷震決曹楊終上白記以為斷獄煩苛所致太守乃令終賤雷電之意而奇之

楊終晨風詩

益部耆舊傳曰楊終徙於北地望松縣而母於蜀物故終自傷被罪充邊乃作晨風之詩以舒其憤也按本傳太守廉范為州所考終兄鳳為郡吏遣鳳候終終為范遊說坐徙北地寧易國志終坐太守徙邊作孤憤詩即晨風詩也

趙賓說易

葑溱書儒林傳蜀人趙賓好小數書後為易飾易文以為箕子明夸陰陽氣亡箕子箕子者萬物方茲滋也賓持論巧慧易家不能難然皆曰非古法也云受孟喜喜為名之後賓死莫能持

其說喜因不肯仞顏師古曰此箕子者謂殷父師說洪範者也而賓矣爲說耳按若箕子爲芟滋則文王又何解乎顏氏駁正良是

怨家益法言

太平御覽揚子恬沒寡營以賣文自贍文不虛美人多惡之及卒怨家取法言援筆益之曰自周公以來未有如安漢公之懿也勤勞則過於阿衡云云繕寫多行於世至今無有白其心跡者按抱朴子曰王莽之世賣餅小人皆得等級斗筲之徒兼金累紫揚子雲確然忠貞之節形矣亦可見莽大夫之誣顯目也

法言

論衡揚子雲作法言蜀富人齎錢十萬願載於書子雲不聽夫富無仁義之行猶圈中之鹿欄中之牛也安得妄載班叔皮續太史公書載鄉里人以爲惡戒邪淫枉道繩墨所彈安所避諱

太乎

論衡揚子雲作太乎侯鋪子隨而宣之按鋪子侯芭字芭鉅鹿人

綿竹頌

呂翰文選注揚雄常作綿竹頌成帝時直宿郎誦此文帝曰似相如之文莊曰非也此臣邑人揚子雲帝卽召見拜黃門侍郎

揚雄銘詩

古文苑揚雄作繡補靈節龍骨銘詩三章按揚雄答劉歆書雄先作縣邸銘壬佰頌階闕銘及成都城四隅銘楊莊誦之于成帝雄遂以此得外見雄爲郎之歲得觀書於石渠後一歲作繡補靈節龍骨之銘詩三章成帝好之

揚雄益州箴

岩岩岷山古曰梁州寧易西極黑水南流秦作無道三方潰叛誼兵征暴遂國於溇拓開疆宇恢梁之野列爲十二光羨虞夏牧臣司梁是職是圖經營盛衰敢告士夫

揚雄主爲論

路史注引揚雄主爲論云夫心與治游乎太和惟唐虞能充其

任神昇化蕩乎無境惟伏羲能承其統故二十五絃之具非牙曠不能以爲神弓矢質的之具非羿逢不能以爲妙

司馬相如氣候值時書

王愔文字志云司馬相如采日蟲之禽屈伸其體升降其勢以象四時之氣爲氣候值時書後溇東陽公徐安子搜諸史籀得十二時書蓋象形聲按書史云相如作凡將篇妙辯六律測尋二氣采日蟲之禽屈伸其體升伏其勢象四時之氣爲之興降曰氣候值時書又後溇東陽公徐安子搜諸史籀得十二時書皆象神形也酉易雜俎云南中有蟲名避役一日十二辰蟲狀似蛇醫腳長色青赤囚鬣暑月時見於籬壁間俗云見者多稱

意事其首倏忽更變爲十二辰狀是相如之爲氣候值時書卽取十二辰蟲之善變也方以智曰王愔目有十二時書許慎說文于干支諸字必有曲說舍易之氣可見當時好立此義久矣

凡將篇佚文

漢書藝文志司馬相如凡將一篇又云司馬相如作凡將篇無復字按說文嘒字下引司馬相如說淮南宋蔡歌舞嘒喻凡將篇之文文皆七言弁急就篇同而毛季斧棊本添歌字舛矣又按文選蜀都賦注引凡將曰黃潤織美宜制禪歐易詢菽文類聚引凡將曰鐘磬竿笙筑坎候茶經引凡將篇云烏喙桔梗芫芩欵東貝母木蘘萐芩草芍葯桂漏蘆飛廉藿菌菴訛白歛白芷菖蒲芑消莞椒茱萸此又不可以七言讀矣疑有訛脫字

司馬相如荆軻贊

任昉文章緣起司馬相如荆軻贊世已不傳厥後班孟堅漢史以論爲贊至宋范華更以韻語按漢菽文志雜家有荆軻論五篇軻爲燕刺秦王不成而死司馬相如等論之是長卿旣爲論復有贊也

王褒碧雞頌

文選廣絕交論注引王褒碧雞頌曰持節使者敬移金精神馬剽剽碧雞歸來漢德無疆黃龍見兮白虎仁歸來歸來可以爲倫歸來翔兮何事南荒案漢書南蠻傳注引曰持節使者王褒

謹拜南崖敬移金精神馬縹碧之雞處南之荒深谿回谷非土
 之鄉歸來歸來漢德無疆廉平唐虞澤配三王無黃龍以下數
 句又文選注引剽剽作縹縹廉平作廣平澤配作德配今志引
 縹縹作綜綜誤

莊遵老子注序

昔者老子之作也變化所由道德為母効經列首天地為象上
 經配天下經配地陰道八陽道九以舍行易故七十有二首以
 陽行陰故分為上下以五行八而上經四十而更始以四行八
 故下經三十有二而終矣陽道奇陰道偶故上經先而下經後
 易道大舍道小故上經眾而下經寡易道左舍道右故上經覆

來下經覆往反覆相過淪為一形冥冥混沌道為中主重符列
 驗以見端緒下經為門上經為戶智者見其經效則通乎天地
 之數舍易之紀夫婦之配父子之親君臣之義萬物敷矣按君
 平注如益我貨者損我神生我名者殺我生又言為禍匠默為
 害工進為妖式退為孽容理甚淵微

莊遵座右銘

夫疾形不能遁影大音不能掩響默然託蔭則影響無因常體
 卑弱則禍患無萌口舌者禍患之門滅身之斧言語者天命之
 屬形骸之部出失則患入言失則兇身是以聖人當言而標發
 言而憂如赴水火履危臨深有不已當而後嗜欲者潰腹之矛

貨利者喪身之讐。嫉妬者亡軀之害。讒佞者刎頸之兵。殘酷者絕世之殃。陷害者滅嗣之場。淫戲者殫家之塹。嗜酒者窮餒之藪。忠孝者富貴之門。節儉者不竭之源。吾日三省。傳告後嗣。萬世無遺。

諸葛武侯司馬季主墓碑讚

案真誥司馬季主後入委羽山石室大有宮中受石精金炁藏景化形法於西靈子都西靈子都者太玄仙女也其同時在大有室中者廣甯鮑叔陽太原王養伯潁川劉璋惠代郡段季正俱受師西靈子都之道也季主臨去之際託形枕席為代已之像墓在蜀郡成都升盤宜當作遷山之南諸葛武侯營建碑銘德於

季主墓并碑讚末曰乎漠太寂混合含易天地交泮萬品滋彰先生理著分別柔剛鬼神以觀六度顯明季主得道後嘗朝服明丹之華挹扶晨之輝顏如少女須三尺黑如墨子二人男名法育一作涓女名濟華俱在委羽山真誥又云季主咽虹液而頭足異處劍經注云吞刀圭而蟲流今東鄉說云託形枕席為代已之像似當是作鍊形靈丸兵解去也漢史既不顯其終無以別測其事也又集仙傳云季主楚人北遊五六年西入蜀居青城山老人邨

杜瓊重思稻賤

酉陽雜俎鄴都稻名重思其米如石榴子粒稍大味如麥杜瓊

作重思稻賤曰霏霏春莫翠矣重思雲氣交被嘉穀應時按真
誥云鄴都山上樹木水澤如世間但稻米極大味如菱名爲重
思耳杜瓊作賤曰霏霏春茂翠矣重思靈烝交被嘉穀應時四
時既享祝人以祀神禾鬱中浩京巨穗橫我予臺爰有明祥帝
者以熙此之謂也稚川所引較何古多七句神禾句上脫漏一
句惜不得善本補之又莫作茂靈作雲不同也杜瓊字伯瑜成
都人譙周之師官議曹從事歷左中郎將

費禕甲乙論

殷基通語曰司馬懿誅曹爽費禕設甲乙論甲以曹爽兄弟凡
品庸人吹宗子枝屬得蒙顧命而驕奢僭逸交非其人私樹朋
黨謀以亂國懿奮誅戮一朝殄盡此所以副士民之望也乙以
爲懿憾曹仲附已不一豈爽於相干事勢不專以此陰成疵瑕
初無忠告侃爾之訓一朝屠戮讒其不意豈大人經國篤本之
事乎若爽信有謀主之心大逆以構而發兵之日更以芳委爽
兄弟懿父子從後閉門舉兵蹙而向芳豈忠臣爲君深謀之謂
乎以此推之爽無大惡明矣若懿以爽奢僭廢之可也滅其尺
口被以不義絕子丹血食及何晏魏之親甥亦與同戮爲僭濫
不當矣

秦宓遠遊詩

藝文類聚載秦宓遠遊詩云遠遊何所見所見邈難紀巖穴非

我隣林麓無知己虎則豹之兄鷹則鶴之弟因獸忝環岡飛鳥
驚巢起猛氣何咆厲會風忝千里遠遊長太息太息遠遊子

劉向塗山氏頌

列女傳塗山氏頌曰啟母塗山維配帝禹辛壬癸甲禹往敷土
啟呱呱泣母獨論序教諭以善卒繼其父

曹植塗山氏讚

初學記禹妻塗山土功是急惟啟之生過門不入矯達明義勳
庸是執成長聖嗣天祿以襲

郭璞識記

按老連驛有郭璞識記云縣路翠老功貴縣路青老功榮宋慶

元丁巳縣令何王治路刻石記之各種松碑今碑尙完好老功
即老連也又名勝志鄰水有鴛鴦池故老傳郭璞遺碑云日出
照峯山金銀對馬鞍鴛鴦池裏宿雲版響三潺蓋天池山下溪
中有一石每擊則響聲三應今謂之響石板又書樓山郭璞記
云書樓山是孔子背書樓

郭璞岷山贊

山海經岷山贊云岷山之精上絡東井始出一勺終致淼溟作
紀南夏天清地靜

郭元祖葛由讚

晉郭元祖列仙傳葛由讚曰木可爲羊羊亦可靈靈在葛由一

致無經爰陟崇綏舒翼揚聲知術者仙得桃者榮

赤斧讚

郭元祖列仙傳赤斧讚曰赤斧頤真發秀戎巴寓迹神祠頌鍊丹沙髮雖朱鬚頭華丹葩采藥靈山觀化南遐

邗子讚

郭元祖列女傳邗子讚曰邗子尋犬宕入仙穴館閣峩峩青松列列受符傳藥往來交結遂栖靈岑音響昭徹

袁休明巴蜀記

水經注引袁休明巴蜀記云高山嵯峩巖石磊落傾側縈迴下臨峭壑行者扳緣牽援繩索

笮橋贊

李膺笮橋贊云複引一索飛經棧閣其名曰笮人懸半空渡彼絕壑案唐獨孤及笮橋贊笮橋絙空相引一索人綴其上如猱之縛轉帖入淵如鳶之落尋獐而上如魚之躍頃刻不戒賈無底壑

杜子美詩

采蘭雜志昔杜子美詩有得意者宗奭年十二恆於暗中誦之言紙有金字光明射目

司馬膺之注蜀都賦

杜齊書司馬膺之好讀太平經注揚雄蜀都賦每云欲與子雲

周旋案司馬膺之世雲弟子如之從子厯中書黃門郎

健為舍人爾雅注

釋詁第一

冢大也 輅車之大也 冢封之大也 書舜典正義

荀子哀公篇楊倞注邢昺爾雅

疏上也字按舊誤作者

漠謀也 漠心之謀也 釋文按釋文作心之邢疏謀今从疏所引

黃髮齟齒鮐背耆老壽也 黃髮老人髮白復黃也 鮐背老人

氣衰皮膚消瘠背若鮐魚耆觀也 血氣精華觀竭言色赤黑

如狗矣 書正義南山有臺詩正義春秋僖二十二年正義邢昺疏按黃髮老人髮白復黃也句詩疏引

李巡注同

謔浪笑敖戲謔也 謔戲謔也 浪意朗也 笑心樂也 敖意舒也

戲邪戲也 謔笑之貌也 毛詩正義邢疏按詩正義朗誤作萌今从邢疏舊本邪戲也上有笑

字今按當衍

仇匹也 仇相求之匹 詩正義

紹肩繼也 紹繼道也 肩繼世也 春秋隱十一年正義一切經音義

悠遠也 悠行之遠也 一切經音義

崇充也 威大充盛 左傳正義舍人本崇當作威按

圍垂也 圍拒邊垂也 詩正義邢疏春秋

果肩堪勝也 肩強之勝也 書正義邢疏

余身也 余卑謙之身也 春秋正義邢疏作謙卑之身按

瘋癩瘰癧 皆心憂憊之病也

釋文 邢疏

泯罄殲盡也殲眾之盡也

書正義 春秋 邢疏

寔速也 寔意之速

詩正義

勞來勤也 勞力極也來強事也

一切經 音義

怒思也 怒志而不得之思也

詩正義 按 志 邢疏 訛作 恚

話言也 話正之善言也

書正義

匿蔽竄微也 匿藏之微也蔽覆障使微也竄行之微也是皆

微昧不顯揚也

春秋正義 邢疏

毗劉暴樂也 毗劉爆燥之意也木枝葉稀疎不均為爆燥

詩正義

義 邢疏 按 詩正義引舍人注作爆燥則 釋文所指暴樂作爆燥者當即是舍人本

楨翰榦也 楨正也築牆所立兩木也翰所以當牆兩邊障土

者也

費誓正義 詩正義 春秋正義 邢疏

禋祀祠祭也 祀地祭也祠天祭也

一切經 音義

棲遲憩歛歔息也 棲遲行步之息也憩臥之息也

書正義 一切

經音義 邢疏

供峙共見也 共具物也侍具事也

文選揚子雲 羽獵賦注

串習也 串心之習也

一切經 音義

饁饋饋也 饋自家之野也

詩正義 邢疏

伯長也 伯位之長也

一切經 音義

算數也 釋數之曰算

書正義

亂治也書正義 亂蒙之治也邢疏

溢慎也詩正義 溢行之慎也邢疏

享孝也珍享獻也文選揚子雲 獻珍物曰珍獻食物曰享羽獵賦注

在察也書正義 在見物之察

尼定也邢疏 尼者私之定也

昵近也春秋正義 暱戚之近也

卒終也一切經音義 卒病之終也

燠煖也書正義 燠温煖也

驛傳也爾雅本作駟 驛尊者之傳也春秋正義

顛顛躍躍釋文云赫赫 人本作顛顛

釋言弟二

原再也舍人本作

臞瘠也史記司馬相 臞瘦也如傳索隱

啜茹也春秋正義 啜茹食也正義

禦圍禁也一切經音義 禦圍未有而預防之也

愷悌發也按詩正義舍 闡明發行按李巡孫炎注

蓋割裂也按蓋舍人 本作害 釋文

庇麻苾廕也春秋正義 庇蔽也苾依止也邢疏

祺祥也詩正義 祺福之祥也邢疏

琛寶也詩正義 美寶為琛毛詩音義 按太

茅明也 茅昧之明也 春秋正義 邢疏

菴扇也 菴所謂毛也 扇胡人績羊毛而作衣 書正義 邢疏 詩正

按書正義作菴謂毛扇也胡人績羊毛而作衣今以詩正義引

烘燎也 焜炷也 烘以火燎也 焜炷竈也 詩正義 邢疏

庶侈也 按詩正義云釋言文引舍人爾正庶侈也是舍人本侈作侈 庶炤也 侈多也 詩正義

耄老也 年六十稱也 春秋正義

郵過也 尤怨人也 文選賈誼弔屈原文注

濟怒也 濟怒聲也 詩正義 邢疏

緇介也 舍人本作 緇羅也 介別也 釋文

窵間也 釋文舍人本作跳 跳者躍之間 釋文

濬幽深也 哲智也 濬下之深也 哲大智也 書正義 邢疏

僨僵也 背踣意也 春秋正義

俛暇也 閒暇無事也 春秋正義 按春秋正義舍人李巡注俛均作遑

宵夜也 宵陽氣消也 書正義 邢疏

廩麋也 廩少鮮也 釋文 邢疏

覲姑也 覲擅也 一曰覲貌也 謂自專擅之貌 釋文 按一曰覲貌也余蕭

客引覲作面

隍壑也 隍城池也 壑溝也 詩正義

釋訓第三

明明斤斤察也 明明甚明也 斤斤物精詳之察也 詩正義 邢

鏗鏘樂也

詩正義引舍人作噍噍

噍噍鐘鼓之樂也

詩正義

穰穰福也

穰穰眾多之貌也

詩正義

子子孫孫引無極也

詩正義邢疏

藹藹萋萋臣盡力也

藹藹賢士之貌萋萋梧桐之貌

詩正義

皋皋瑁瑁刺素食也

皋皋不治之貌

詩正義

諛諛譎譎崇讒慝也

諛諛譎譎皆盛烈貌

詩正義邢疏

抑抑密也

威儀密靜也

詩正義邢疏

朔北方也

書正義邢疏

饔酒食也

釋文舍人本饔作喜

喜古曰饔

釋文按釋文則古曰饔亦當作喜

是刈是穫

是刈刈取之是穫煮治之

詩正義邢疏

履帝采敏

釋文敏舍人本作畎

古者姜嫄履天帝之迹於畎畝之中而

生后稷

美士為彥 國有美士為人所言道也

詩正義邢疏

暴虎徒搏也

無兵空手搏之

詩正義論語

籛籛口柔也

籛籛巧言也

戚施面柔也

釋文

夸毗體柔也

夸毗卑身屈已也

釋文史記索隱

釋宮第五

東西牆為之序

太平御覽引舍人牆作廂

殿東西堂序尊卑處

太平御覽

西北隅謂之屋漏

古者徹屋西北扉以炊浴汲者訖而復之

故謂之屋漏也

太平御覽

東北隅謂之宦

東北陽氣始起萬物所養故謂之宦也

太平御覽

東南隅謂之突

舍人本作突

東南萬物生蟄蟲必出無不由戶突

太平御覽

御案必與必通禮月令寢廟畢備呂紀作必備

開謂之楨

朱儒下小方木

太平御覽

屏謂之樹

以垣當門蔽為樹

太平御覽

室有東西廂曰廟

文選注引舍人爾疋廟作廊

殿有東西小堂也

文選潘安仁為賈謐

作贈陸機詩注

釋器

巢謂之汕

以簿巢魚曰巢者也

太平御覽

糝謂之泔

以米投水中養魚為泔也

太平御覽

按釋文爾疋舊本竝詩傳竝米旁

作糝據舍人釋當从米

免罟謂之罝

免自作徑路張罝以捕

太平御覽

麋罟謂之罟

麋有難制張罟也

太平御覽

菟罟謂之羅

菟剛惡齧人故張網以羅之也

太平御覽

按一引作故網

而羅也

款足者謂之鬲

鼎足相去疏間曰鬲也

太平御覽

王引之曰疏間是疏闊之

訛

大笙謂之巢小者謂之和

大笙音聲熙而高也小者音相和

也太平御覽

大箎謂之沂 大箎其音悲沂堅然也詩云仲氏吹箎也太平御覽

大管謂之箛其中謂之篴少者謂之篴 大管者聲高大故曰

箛箛高也中者聲精密故曰篴篴密也小者聲音清妙也太平御覽

御覽 按余蕭客引故曰箛者高也脫箛字誤添者字

其中謂之仲小者謂之箛 仲其聲適中仲呂也小者形聲細

小曰箛也太平御覽 按余蕭客引適下脫中字

斫斲謂之定 斫斲鉏也一名定齊民要術

釋地

廣平曰原 廣平謂土寬而平太平御覽

九夷八狄七戎六蠻謂之四海 晦冥無識不可教誨故曰四

海太平御覽

岨齊州以南戴日為丹穴 自中州以南日光所照故曰丹穴

太平御覽

釋水

歸異出同流肥 水異出流行合同曰肥酈道元水經注

水草交為湄 水草木交合也水經注

人所為為滴 滴人力水為居止太平御覽 一切經音義 按當作人力所為可居止

釋草

卉草凡百草一名卉書正義

菘王芻 菘一名王芻詩正義 邢疏

蜀典

卷十一 著作類

十一

薪莫大薺 薺有小故名大薺 齊民要術

蔚牧菽 蔚一名牧菽 詩正義 邢疏

瓠棲辨 釋文舍人 本瓠作瓠 瓠瓠也 釋文

茶 杏花如茶可耕白沙 說文繫傳 椽賈勰齊民要術 引古諺曰杏花如何可耕白沙

照秫 秫黏粟也 齊民要術

粢稷 粢一名稷稷粟也今江東呼粟為稷也 春秋正義 切經音義

戎菽謂之荏菽 戎菽今以為胡豆 詩正義 邢疏

莢蘿 莢一名蘿 詩正義 邢疏

白華野菅 茅菅白華一名野菅 詩正義 邢疏

颺胞其紹颺 颺名胞小瓜也紹繼謂颺子溲中小瓜曰颺 詩正義

義 邢疏

薺赤苗芭白苗 別米赤白苗也是伯夷叔齊所食首陽草也

齊民要術 太平御覽

臺夫須 臺一名夫須 書正義 春秋正義 詩正義

菝蝼蚺 菝一名蝼蚺 詩正義 邢疏

紅龍古其大者薺 紅名龍古其大者名薺 詩正義 邢疏

萃蒨 萃一名蒨蒨大者名蒨 詩正義 禮記正義 邢疏

唐蒙女蘿女蘿兔絲 唐蒙名女蘿女蘿又名兔絲 詩正義

酌九葉 酌九葉九枚共一莖 釋文

倚商活脫 釋文倚舍人 本作猗音同

藕車芑輿釋文車多無此字輿字或作與惟郭謝舍人本作輿

蔞委葉蔞一名委葉 詩正義 邢疏

菟奚顛凍中馗菌釋文舍人本中馗作中鳩 菟奚名顛東顛東名中鳩釋文

苕陵苕黃華藜白華菱 苕陵苕也黃華名藜白華名菱別華

色之名也詩正義 邢疏

莞苻離本草云白蒲一名苻離楚謂之莞 詩正義 邢疏

莖缺益青州曰莖 太平御覽

苧麻母苧苧麻一名麻母 太平御覽 按齊民要術引云苧苧麻盛子也

蕨鼈蕨一名鼈 詩正義 邢疏

稂童梁稂一名童梁 詩正義 邢疏

購蔕萋購一名蔕萋 詩正義 邢疏

長楚鈹弋長楚一名鈹弋本草云鈹弋名羊桃 詩正義 邢疏

葭華葭一名華 詩正義

葭蘆菱亂蘆亂一草 詩正義

釋木

栲山樗栲一名山樗 詩正義 邢疏

柎櫨柎一名櫨 詩正義

柎櫨江淮之間呼小栗為柎栗 毛詩音義 釋文

榎釋文舍人本作榎

藤莖著釋文莖舍人本作著 祇著舍人本作都

杜赤棠白者棠 杜赤色名赤棠白者亦名棠 詩正義 邢疏 按

引云白者為棠赤者為杜為甘棠為赤棠

杞枸櫞 句杞也 春秋正義

夷 釋文舍人本作棧

秋藏棹貢棊 釋文棹舍人本作阜

櫟其實椽 櫟實名椽也 釋文 按朱彞尊經義考引櫟作栗訛

櫟梧者樸枹者謂櫟采薪采薪即薪 釋文舍人本引上句櫟枹來合在此句以謂字作彙

櫟梧者樸枹者其理也樸者相迫附也彙者莖也如竹

箭一讀曰枹也櫟名采薪又名即薪 釋文 按迫字一作迫孫爰注薪一名彙櫟是

孫本與舍人同

桑瓣有萋椀 桑樹一半有萋半無萋名為椀也 釋文 按一作

樊光注誤

唐棣移 唐棣一名移 詩正義 邢疏

常棣棣 常棣一名棣 詩正義 邢疏 春秋正義

椅梓 梓一名椅 詩正義

楓為樹厚葉弱莖天風則鳴故曰擘擘 史記 索隱

棧赤棟白者棟 棧名赤棟也 詩正義

瓠木苻婁 詩正義 邢疏 釋文舍人本苻婁屬下句

釋蟲

蜚蠊蟹 蜚蠊一名蟹 春秋正義 邢疏

鱧

鱧一名鮠

詩正義 邢疏 毛詩音義

鯨

鯨石鮓也

毛詩音義 釋文

鰕

釋文鮓舍人本無此字

貝

水中蟲也

詩正義 邢疏

活東

釋文舍人本作穎東 盧弼弓校本作頤東 弼

蝮

蝮一名虺江淮以南曰蝮江淮以北曰虺

詩正義 切經音義

邢疏

釋鳥

佳其鴉鴉

佳一名夫不今楚鳩也

詩正義 春秋正義 邢疏

鷓鴣

鷓鴣一名鷓鴣今梁謂之斑鳩也

春秋正義 太平御覽

余按

蕭客引脫 梁謂二字

舒鳧

鳧野名也鳧家名也

禮記正義 春秋正義

按余蕭客引云鳧家鴨名也鳧野鴨

名也

鷓鴣

詩正義引舍人本尔正作洿澤

鷓鴣

詩正義 邢疏

鷓鴣老鳧

澍按舍人本鳧作鳧

鷓鴣一名鷓鴣老鳧一名鷓鴣雀也主趨

民取麥不得晏起也

春秋正義 邢疏 按春秋正義舍人李巡孫炎郭氏皆斷老上屬鳧下屬惟

樊光斷鷓鴣為句以老下屬又按余蕭客引鷓鴣一名鷓鴣老鳧一名鷓鴣雀也當作鳧一名鷓鴣雀也又引云老鳧鷓鴣趣

民收麥令不得晏起者也

桃蟲鷓其雌鷓

桃蟲名鷓其雌名鷓

詩正義 邢疏

鸞斯鷓鴣 卑居壁居 水經注 按水經注近刊訛作壁屋

鴛鴦 釋文毋舍人本作無禮記正義亦云

鴛周燕燕 鴛周燕燕鳥一物三名 邢疏 鴛周名燕燕又

名鳥 詩正義

鴛鴦鷓鴣 鴛鴦一名鷓鴣 詩正義 邢疏

狂茅鴟 狂一名茅鴟喜食鼠大目也 一切經音義

怪鴟謂鴟鵂也 南易名鉤鴟又作格其鳥晝伏夜行鳴為怪也

又云鴝忌欺 一切經音義 按此係俱舍論所引而治禪病秘要法引云一名怪鳥一名鴝鵂南易名

鴝鉤

東方曰鷓西方曰鷓南方曰鷓北方曰鷓 釋四方之雉名也

春秋正義

春鳳鷓鴣 鷓鴣趨民種樹也 太平御覽 按種樹一作耕種

夏鳳竊子 趨民耘苗者也

秋鳳竊藍 趨民收斂者也

冬鳳竊黃 趨民蓋藏者也

棘鳳竊丹 為果驅鳥者也 按一作為民驅鳥

行鳳喑喑 晝為民驅鳥者也

宵鳳嘖嘖 夜為農驅獸者也

菜鳳竊脂 為蠶驅雀者也 以上竝春秋正義

老鳳鷓鴣 趨民收斂令不得晏起者也 按邢疏引左傳九鳳為九農正以此八鳳

蜀典 著作類

竝上屬鷓為九賈達註云云舍人樊光注尔正其言亦與賈同故茲錄之

春鴈鴝鷖夏鴈竊子秋鴈竊藍冬鴈竊黃菜鴈竊脂棘鴈竊丹行鴈啾啾宵鴈嘖嘖 鴝鷖分循相五土之宜趣民耕種者

也竊子黑色移民耘苗竊藍青色移民收斂竊黃色黃移民

時同依諸鴈為節候也御覽 按一引云鴝鷖主五土宜穀所趣民種樹也耘苗作去草青色

作色藍移字 誤宜作趨

皇黃鳥 皇名黃鳥 詩正義 邢疏

晨風鷓 晨風一名鷓鷖鳥名也 詩正義 春秋 邢疏

鷹隼醜其飛也翬 謂隼鷓之屬翬翬其飛疾羽聲也 詩正義 邢疏

亢鳥隴 亢鳥高飛也隴隴財可見也 釋文

釋獸

狼牡獾牝狼其子獾絕有力迅 狼牡名獾牝名狼其子名獾

絕有力者名迅 詩正義 春秋 邢疏

獾獾 獾一名獾 邢疏

所寢櫓 豕所寢草名為櫓 詩正義 邢疏

貔白狐其子毅 貔名白狐其子名毅 書正義 邢疏

羆如熊黃白文 羆如熊色黃白也 詩正義 邢疏

驕如馬一角不角者騏 驕如馬而有一角不有角者名騏 公羊疏

猶 如麂 釋文猶舍 人本作鬻

狸子隸釋文家作肆又作隸舍人本作隸

寓屬釋文舍人本作廩屬

鼯鼠 其鳴如犬也釋文按集韻二十廢鼯鼠名其鳴如犬吠丁度等所據釋文本作鼯舍人云其

鳴如犬吠今本脫吠字

鼯鼠 詩云鼯鼠鼯鼠詩正義按一引云碩鼠五技鼠也

釋畜

駮如馬倨牙食虎豹 駮多力獸也山海經云曲山有獸狀如

馬白身黑首一角虎爪音 鼓其名駮食虎豹可以禦兵詩

云隰有六駮是也一切經音義

駮蹄跗善陞廡 駮蹄者溷蹄也跗平也謂蹄平正善陞廡者

能登山險也一云廡者阪也言駮善登高歷險上下於阪秦

時有駮蹄苑是也釋文按釋文跗一作研

駮駮枝蹄跗善陞廡 駮駮者外國之名枝蹄者枝足也釋文

前足皆白蹊釋文蹊舍人本作雞

後足皆白狗釋文狗舍人本作狗

白馬黑鬣釋文舍人同

駒類白顛 的白也顛額也額有白毛今之戴星馬也易震為

駒類詩正義邢疏

陰白雜毛駒 今之泥驄也詩正義

彤白雜毛駮 赤白雜毛今赭白馬名駮詩正義

按余蕭客引赭下無日字

一目白瞶二目白魚 一目白曰瞶二目白為魚 詩正義

青驪駢驪 色有淺深似魚鱗也 毛詩疏

青驪繁鬣駢 鬣馬髮也 春秋正義 左氏音義 按

青驪駢 青驪馬今名駢馬也 詩正義

駢白駢黃白驪 駢赤色名曰駢也黃白色名曰皇也 詩正義 按詩

正義又引舍人云駢馬名 白馬一引黃白色雜名皇

田獵齊足 田獵取牲于苑囿之中追飛逐走取其疾而已 正義

蜀典卷十下

蜀才易注 按經典釋文蜀才易注十卷七錄云不詳何人 七志云是王弼後人謝昺夏侯該云是譙周案

蜀李書云姓范名長生一名賢隱居青城 山自號蜀才李雄以為丞相涪陵丹輿人

坤厚載物 蜀才曰坤以廣厚之德載含萬物無有窮竟也 見李

鼎祚周 易集解

陰凝於陽必戰 釋文陰凝荀盧姚 信蜀才本作凝

剛中而應行險而順 蜀才曰此本剝卦按上九降二六二升

上是剛中而應行險而順也

原筮元永貞无咎以剛中也 蜀才曰此本師卦按六五降二

九二升五剛往得中為比之主故能原究筮道以求長正而

无咎矣

彖曰泰小往大來吉亨 蜀才曰此本坤卦小謂陰也大謂陽也天氣下地氣上陰陽交萬物通故吉亨

大往小來 蜀才曰此本乾卦大往陽往而消小來陰來而息也

柔得位得中而應乎乾曰同人 蜀才曰此本夬卦九二升上

上六一作九降二則柔得位得中而應乎乾下奉上之義一作象

同於人故曰同人

大輿以載 釋文大車以載 蜀才本車作輿

旅否 蜀才曰三升五柔得中于外上順于剛九五降三降不

失正止而麗乎明所以小亨旅貞吉也

君子以摶多益寡 釋文蜀才本寡 作摶云取也

勿疑朋合摶 釋文簪鄭云速也簪京房 作摶蜀才本依京義從鄭

館有渝 釋文官有渝 蜀才本作館

至於八月有凶消不久也 蜀才曰此本坤卦剛長而柔消故

大亨利正也案臨十二月卦也自建丑之月至建申之月凡

歷八月則成否也否則天地不交萬物不通是至於八月有

凶斯之謂也

彖曰大觀在上 蜀才曰此本乾卦按柔小浸長剛大在上其

德可觀故曰大觀在上也

象曰大觀剛自外來而為主於內 蜀才曰此本遯卦按剛自
上降為主于初故動而健剛中而應也於是乎邪妄之道消
大通以正矣无妄大亨乃天道恆命也

隨 蜀才曰此本否卦剛自上來居初柔自初往升上則內動
而外悅

車脫輶 釋文輶音服又音福蜀才本同

君子以命庶政 釋文蜀才本明作命

其德剛上而尚賢 蜀才曰此本大壯卦案剛自初升為主於
外剛陽居上尊尚賢也

需 此本大壯卦案六五降四有孚光亨貞吉九四升五位乎

天位以正中也

則大咥之嗟 釋文蜀才本臺作唾

臨 此本坤卦

象曰咸感也柔上而剛下二氣感應以相與 蜀才曰此本否

卦案六三升上上九降三是柔上而剛下二氣交感以相與
也

雷風相與與而動 蜀才曰此本泰卦案六四降初初九升四

是剛上而柔下也分乾與坤雷也分坤與乾風也是雷風相
與與而動也

損 此本泰卦案坤之上六下處乾三乾之九三上升坤六損

下益上者也

累其角釋文羸其角蜀才本作累其角

柔進而上行 蜀才曰此本觀卦按九五降四六四進五是柔進而上行

象曰明入地中明夷 蜀才曰此本臨卦也案夷滅也九二升

三六三降二明入地中也明入地中則明滅也

其子之明夷釋文箕子蜀才本作其子

二軌可用亨釋文二簋蜀才本二軌亨蜀才許庚反

君子以澄忿窒欲釋文懲蜀才本作澄

象曰損其疾亦可喜也 蜀才曰四當承上而有初應必上之

所疑矣初四之疾也宜損去其初使上遄行

象曰益損上益下民說无疆 蜀才曰此本否卦案乾之上九

下處坤初坤之初六上升乾四損上益下者也

君子以除戎器釋文蜀才云除去戎器脩行文德也

一握為笑釋文鄭云握當讀為夫三為屋之屋蜀才同

壯于仇釋文壯于頄蜀才本作壯于仇

繫于金尼釋文蜀才本柅作尼止也

孚乃利用躍釋文蜀才本禴作躍

莫睦夫夫釋文莫陸蜀才作睦睦親也通也

柔得中乎外而順乎剛止而麗乎明是以小亨旅貞吉 蜀才

曰否三升五柔得中於外上順於剛九五降三降不失正止而麗乎明所以小亨旅貞吉也

鼓之以雷霆釋文蜀才云雷霆疑為電

易知則有親易從則有功 蜀才曰以其易知故物親而附之

以其易從故物法而有功也

聖人以此先心釋文京房荀爽董遇張璠蜀才等洗心作先心

有功而不置釋文德蜀才本作置

大衍之數五十釋文蜀才云廣也

聖人之所以極深而擘幾也釋文研蜀才本作擘

參天兩地而奇數釋文倚蜀才作奇通

辨天下之吉凶釋文蜀才云別也

效法之謂坤釋文爻法蜀才作效法

陽城衡樂經

舟張辟雍鷓鷯相從八風回回鳳凰喈喈尚書大傳

黃鐘磬前長三律二尺七寸後長二律尺八寸周禮磬氏疏引樂經 玉海云

與三礼舊圖所引樂經同

有昭辟雖有賢泮宮田里周行濟濟鏘鏘相從執質有族以文

敕爾瞽率爾眾工奏爾悲頌肅肅雖無怠無凶周官注

歲星與日常應大歲月建以見周礼馮相氏疏

土曰壘竹曰管皮曰鼓匏曰笙絲曰絃石曰磬金曰鐘木曰祝

敵此謂八音也法易八卦也白虎通

壘坎音也管良音也鼓震音也絲離音也鐘兌音也祝敵乾音

也同上

十二月行之所以宣氣豐物也月開斗建之門而歌奏其律後漢

書律歷志注

揚雄琴清英

昔者神農造琴以定神禁一作齊淫僻去邪欲反其一無其字天真者

也舜彈五絲之琴而天下化堯加二絃以合君臣之恩類聚

尹吉甫子伯奇至孝後母譖之自投江中衣荷帶藻忽夢見水

仙賜以美藥唯念養親揚聲悲歌船人聞之而學之吉甫聞船

人之聲疑似伯奇援琴作子安之操水經注

雉朝飛操者衛女傅母之所作也衛侯女嫁于齊太子中道聞

太子死問傅母曰何如傅母曰且往當喪喪畢不肯魘終之以

死焉傅母悔之取女所自操琴於冢上鼓之忽有二雉俱出墓

中傅母撫雉曰女果為雉耶言未畢俱飛而起忽然不見傅母

悲痛援琴作操故曰雉朝飛郭茂倩樂府

晉王謂孫息曰子鼓琴能令寡人悲乎息曰今處高臺邃宇連

屋重戶藿肉漿酒倡樂在前難可使悲者乃謂少失父母長無

兄嫂當道獨坐暮無所止文選注引作當道於此者乃可悲耳

乃援琴而鼓之晉王酸一作傷心哀涕曰子來何遲也太平御覽白按

帖引說苑云孫息學悲歌辟琴作鄭衛之音靈公太惑故作衛公之曲歌而和之即子雲所言之孫息也

祝牧與妻偕隱作琴歌云天下有道我黼子佩天下無道我負

子戴菽文類聚

譙周五經然否論

國不可久無儲貳故天子諸侯十五而冠十五而娶娶必先冠以夫婦之道王教之本不可以童子之道治之禮十五為成童以次成人欲人君之早有繼體故因以為節書稱成王十五而冠著在金縢周禮媒氏曰令男三十而娶女二十而嫁內則云女子十五而笄說曰許嫁也是故男自二十以及三十女自十五以及二十皆得以嫁娶先是則速後是則晚凡人嫁娶或以

賢淑或以方類豈但年數而已若必差十年乃為夫婦是廢賢淑方類苟比年數而已禮何為然哉則三十而娶二十而嫁說嫁娶之限蓋不得復過此耳故舜年三十無室書稱曰鰥周禮云女子年二十未有嫁者仲春之月奔者不禁奔者不待禮聘

因媒請嫁而已矣穀梁傳注

古文尚書說卷王崩成王年十三推卷王以庚辰歲崩周公以壬午歲出居東癸未歲反禮公冠記周公冠成王命史作祝辭告是除喪冠也周公未反成王冠弁開金縢之書時十六矣是成王十五周公冠之而後出也

小記云庶子不為長子斬不繼祖與禰也此但別庶子而下言

不繼祖者謂庶子身不繼禰故其長子為不繼祖合而言之也
五經然否論

蜀志秦宓傳初宓論王霸養龍之說甚有通理譙允南少時數
往諮訪記錄其言于春秋然否論文多故不載按今然否論此
條佚之矣

虞喜難之曰禮文三發二言繼祖一言連禰如但繼禰則應
三年何緣須祖煩而失要合于於父舍徑就迂非事實也然
則繼祖者必繼禰繼禰者不必繼祖今連禰于祖以已繼之
是繼祖也得三年繼禰者不得也至于連禰于祖以別高祖
之祖故因禰以繼祖別嫌也竝通典

漢初一引作書誤或云三老答天子拜遭王莽之亂法度殘缺漢中

興定禮儀羣臣欲令三老答拜城門校尉董鈞駁曰養三老所
以教事父之道也今通典云所以養三老以教事父母之道也句有誤若答拜是使天下

答子拜也詔從鈞議通典無此句譙周論之曰禮尸服上服今通典無此二字猶以非親之故答子拜士見異國君亦答通典答下有士字拜是皆

不得視猶子也

虞喜曰且據漢儀于門屏交禮交禮即答拜矣中興謬從鈞

議後通典後下革之深得其意通典作甚後漢書禮通

男自二十以及三十女自十五以至二十皆得以嫁娶先是則
速後是則晚矣凡人嫁娶或以賢淑或以方類豈但年數而已

父卒母嫁非父所絕嫡子雖主祭酒宜服期而喪服為出母期
嫁母與出母俱是絕族故知與出母同也

禮記正義引譙周說

在己國則得為君服斬夫人齊衰若在他國則不得也

同上

按

此上三條俱當屬五經然否論附錄於此

國君為卿大夫皮弁錫纁以居佗事出亦如之其弔則皆錫纁
布弁而經三月復吉其弔主則服弁經疑纁亦往則服出則不
公及大夫弔絜妾如君弔他國卿大夫皮弁錫纁不經君使人
弔祔主人迎於寢門外見使者不哭先入門右北面弔者入升
自西階東面主人前至中庭弔者致君命主人哭拜稽顙成踊
弔者出去主人拜送于門外君使祔者左執領執要致命訖入

室衣尸乃出他皆如弔既斂之後不衣尸委于尸東席上凡主
人出送因拜賓所來者拜訖皆卽位西階下東面哭踊哭訖反
室大夫弔服以錫纁用總麻布而夾理之用錫士弔服以疑纁
用錫布為衣而素裳擬於古也其冠各以其纁歸其家猶弔服
弁經以居其以佗事出則脫經三月既葬服吉五世兄弟相為
亦然凡大夫弔其臣異者主人不迎於門外主君入卽位堂下
西面主人北面絜主人南面

通典

父卒母嫁非父所絕為之服周可也

通典

妾不得有繼母名慈母也但慈已無父命者不過小功也

通典

大夫受畿內采邑有家臣雖又別典鄉遂之事其下屬皆上屬

皆上相屬其吏非臣也秦漢無復采邑之家臣郡縣吏權假斬
纒代至則除之通典

遷祖之奠升自西階如初及日載於車下奠設於西方乃陳遺
物於庭訖徹奠以巾席俟於西方乃祖車既祖旋向外離於載
處為行始也布席乃奠如初通典

為父至葬胥經散壘如小幼時反哭於廟升自西階虞祭於寢
杖不入室通典

或曰有人死而亡其屍者為招魂葬何如曰夫葬所以藏屍柩
也若魂氣則無不之焉諸與藏諸通典

通典嘉禮注引

古文尚書說堯王崩成王年十三推堯王以庚辰歲崩周公以
壬午歲出居東癸未歲反禮公冠冠記周公冠成王命史作祝辭
告也是除喪冠也周公反成王冠弁開金縢之書時十六矣是
成王十五周公冠之而後出也許慎異義云堯王崩後管蔡作
亂周公出居東是歲大風王與大夫冠弁開金縢之書成王年
十四是喪冠也者恐失矣按禮傳天子之年近則十二遠則十
五必冠矣

譙周法訓

夫孝百行之本替本而求末未見得之者也如或得之君子不
貴矣烏而有反哺况人而無孝心者乎初學記

羊有跪乳之禮雞有識時之候雁有庠序之儀人取法焉初學記

今有挽歌者高帝召田橫至於尸鄉自斃從者挽至宮不敢哭

故為此歌以寄哀音也初學記 按世說注引莊子曰紼謳所生必于斥苦司馬彪注紼引柩索也斥

疏緩也苦用力也引紼所以有謳歌者為人有用力不齊故促急之也春秋左氏傳曰魯哀公會吳伐齊其將公孫夏命歌虞

殯杜預注虞殯送葬歌示必死也史記絳侯世家曰周勃以吹蕭送喪然則是挽歌之來久矣非起於田橫也

昔燕趙之間有三男子共娶一女生四子后爭訟廷尉延壽奏

云禽獸生子逐母宜以四子還母尸三男子於市太平 按焦 御覽 顛易

林節卦曰三夫共妻莫適為雌子無名氏翁不可知即指此事所謂延壽奏者范延壽也

貪忍者難為惠苛煩者難為恭君子以禮而已矣太平 御覽

為國者不患學人之害農而患治民者之不學太平 御覽

利物誘人猶飄風之加庶草也惟有直慎者然後不問太平 御覽

唐虞之衣裳文法禹稷之溝洫耕稼人至今被之太平 御覽

或問母有疾始其妻為作粥者妻不可以刀擊之夷其面可以

為孝乎曰以刃妻其親必駭而憂及之何有於孝太平 御覽

桀紂雖有天子之位而無一人之譽也猶朽木枯樹逢風則仆

也太平 御覽

劉項方爭父戰于前子鬥于後太平 御覽

以道為天下者猶乘安舟而由廣路安舟難成可久處也廣路

難至可常行也太平 御覽

乘船曲折不失其瀆是善乘舟者太平 御覽

人所以貴者以其禮節也人而無禮者獼猴乎雖人象而蟲質

也

太平御覽

鸞車璜珮求中道心

太平御覽

石門於墓古之道耶答曰古不崇墓况損人功而為觀乎非古

也

封氏聞見記

朝發而夕異宿勤則菜盈傾筐且苟有羽毛不織不衣不能茹

草飲水不耕不食安可以不自力哉

齊民要術序

譬之於物猶素之白也染之以藍則青游居交友亦人之所染也韓起舛田蘇處而成好仁之名甘茂事史舉用顯齊秦之功

曹參師蓋公致清靜之治竇長君兄弟出於賤隸謹恭師友皆

為退讓君子語曰蓬生麻中不扶自直此言雖小可吹喻大必

得其人千里同好固于漆膠堅於金石窮達不阻其分毀譽不

疑其實

太平御覽

或曰君子處陋巷之中奚樂也曰樂得其親樂得其友樂聖人

之道也

太平御覽

王者居中國何也順天之和而同四方之統也

太平御覽

善耕者足以謹地待時而動善射者訓弓定準見可而發故君

子善養其人用足

初學記

太平御覽

風信通謂雙生者以後產為兄以其先胎此野人之鑿語君子

不測暗安知其胎之先後

史路

有喪而歌者或曰彼為樂喪也有不可乎譙子曰書云四海遏
密八音何樂喪之有曰今喪有挽歌者何以哉譙子曰周聞之
蓋高帝召齊田橫至于尸鄉亭自刎奉首從者挽至于宮不敢
哭而不勝哀故為歌以寄哀旨彼則一時之為也鄰有喪春不
相引挽人銜枚孰樂喪者邪

世說任
誕門注

蜀石經

石刻鋪敘益郡石經孝經一册二卷序四百三十九字正經一
千七百九十八字注二千七百四十八字孟蜀廣政七年三月
二日右僕射母昭裔以雍經石本校勘簡州平泉令張德釗書
鐫工穎川陳德謙趙希弁讀書附志云云經不題所書人姓氏

殆趙之誤論語三册十卷序三百七十二字正經一萬五千九
百十三字注一萬九千四百五十四字廣政七年四月九日校
勘書鐫姓名皆同孝經尔疋一册二卷不載經注數目廣政七
年甲辰六月右僕射母昭裔置簡州平泉令張德釗書鐫者叅
令昇周易四册十二卷又略例一卷正經二萬四千五十二字
注四萬二千七百九十二字廣政十四年辛亥仲夏刊石朝議
郎國史毛詩博士孫逢吉書毛詩八册二十卷正經四萬一千
二十一字注十萬五千七百一十九字將仕郎祕書省祕書郎
張紹文書鐫工張廷族尚書四册十三卷正經二萬六千二百
八十六字注四萬八千九百八十二字將仕郎祕書省校書郎

周得貞書鐫工陳德超儀禮八冊十六卷五經五萬二千八百
二字注七萬八千八百九十一字禮記十冊二十卷正經九萬
八千五百四十五字注十萬六千四十九字以唐元宗所刪月
令爲首曲禮次之亦張紹文書周禮九冊十二卷正經五萬五
百八字注十一萬二千五百九十五字將仕郎祕書省祕書郎
孫朋吉書春秋左氏傳二十八冊三十卷序一千六百一十七
字經傳十九萬七千二百六十五字注十四萬六千九百六十
二字穀梁六冊十二卷傳四萬一千八百九十字注三萬九千
七百三十字公羊六冊十二卷傳四萬四千七百三十八字注
七萬七千三十七字畢工于皇祐元年己丑九月望日帥臣樞

密直學士京兆郡開國侯田况益州路諸州水陸轉運使曹穎
叔提點益州路刑獄孫長卿暨倅僉皆鐫銜於石成都又謂公
穀田况所刻孟子十二卷宣和五年九月帥席貢暨運判彭慥
方入石踰年乃成計四冊考異一冊乾道六年庚寅三月旦東
里晁公老校石經與監本不同者作爲此書易書詩周禮儀禮
記左傳公羊穀梁孝經論語尔疋孟子此正經不同者如此傳
註不异古文尙書三冊三卷蓋唐天寶未廢古書前傳本中汲
郡呂大防得之於宋次道王仲至家乃元豐五年壬戌鏤版乾
道六年庚寅帥晁公老取以入石教官張大固等監刊益郡石
經肇于孟蜀廣政悉選士大夫善書者模丹入石七年甲辰孝

經論語尔疋先成時晉出帝改元開運至十四年辛亥周易繼之實周太祖廣順元年詩書三禮不書歲月逮春秋三卷則皇祐元年九月訖工時我宋有天下已九十九年矣通蜀廣政元年肇始之日凡一百一十二禩成之若是其艱又七十五年宣和五年癸卯益帥席貢始湊鐫孟子運判彭慥繼其成乾道六年庚寅晁公老又鐫古文尙書暨諸經考異洪文敏公邁謂孟蜀所鐫字體清謹有正觀遺風續補經傳殊不逮前且引魏徵虞世南相繼爲祕書日請選五品以上子孫工書者爲書手蓋欲字畫清婉可以傳久所以自經傳以後非士夫所書皆不著姓氏若瀋石經今不易得好古者所藏僅十數葉蜀中又以翻刻入石黃長睿謂開元中藏拓本於御府以開元二字小印印之是元宗時已罕得况今又六百年後耶

成都記僞蜀孟昶有國其相母昭裔刻孝經論語尔疋周易毛詩儀禮禮記左傳凡十經于石其書丹則張德釗楊鈞張紹孫逢吉朋吉周德貞石凡千數盡依太和舊本歷八年乃成公穀則有宋田元均所刻古文尙書則晁公老所補也胡元質宗愈作堂以貯之名石經堂在府學

玉海蜀石經周易後書廣政十四年歲次辛亥五月二十日公羊傳後書大宋皇祐元年歲次己丑九月辛卯朔十五日乙巳工畢僞蜀相母昭裔取唐太和本刻石于成都學宮與後唐版

本不無小異乾道中晁公老參校二本取經文不同者三百二科著石經考異亦刻於石張貞又校注文同異爲石經注文考異四十卷

晁公老石經考異序鴻都石經自鄴遷雍遂茫昧于人間唐太和復刻十二經立石國學後唐長興中詔國子博士田敏與其僚校諸經鏤之版故今世太學之傳獨此二本尔按趙清獻公成都記僞蜀相母昭裔捐俸金取九經琢石於學宮依太和舊本令張德釗書皇祐中田元均補刻公羊穀梁二卷然後十二經始全至宣和閒席升獻又刻孟子參焉今考之孝經論語尔正廣政甲辰歲張德釗書周易辛亥歲楊鈞孫逢吉書尙書

周德貞書周禮孫逢吉書毛詩禮記儀禮張紹文書左氏傳不誌何人書而祥字闕其書亦必爲蜀人所書然則蜀人之立石蓋十經其書者不獨德釗而能盡用太和本固已可嘉凡立八年其石年數昭裔獨辦之尤偉然也公老異時守三營嘗對國子監所摹長興板本讀之其差誤蓋多矣昔議者謂太和石本校寫非精時人弗之許而世以長興板本爲便國初遂頒布天下收向日民間寫本不用然有訛舛無由參校判知其謬猶以爲官旣刊定難於獨改由是而觀石經固脫錯而監本亦難盡從公老至少城寒暑一再易節暇日因命學官讎校之石本周易說卦乾健也以下有韓康伯注略例有邢璣注禮記月令從

唐李林甫改定者監本皆不收外周易經文不同者五科尙書十科毛詩四十七科周禮四十二科儀禮三十一科禮記三十二科春秋左氏傳四十六科公羊傳二十一科穀梁傳一十三科孝經四科論語八科尔正五科孟子二十七科其傳注不同者尤多不可勝記獨經文猶三百二科迹其文理雖石本多誤然如尙書禹貢篇夢土作又毛詩日月篇以至困窮而作是詩也左氏傳昭公十七年六物之占在宋衛陳鄭乎論語述而篇舉一隅示之衛靈公篇敬其事而後食其祿之類未知孰是先儒有改尙書無頗爲無陂改春秋郭公爲郭亡者世皆譏之此不取決之以臆姑兩存焉亦鐫諸樂石附於經後不誣方將必

有能考而正之者

洪邁容齋隨筆云孟蜀所刻石經其書淵世民三字皆闕畫蓋避唐高宗太宗諱也祖父知祥嘗爲莊宗臣然於存勗嗣源字乃不諱前蜀王氏已稱帝而其所立龍興寺碑言及唐諸帝亦皆半闕乃知唐之澤深矣

呂陶曰五代之亂疆宇割裂孟氏有劍南百度草創猶能取易書詩春秋禮記周禮刻於石以資學者國朝皇祐中樞密直學士京兆田公加意文治附以儀禮公羊穀梁傳所謂九經者備焉

席益記略曰蜀儒文章冠天下其學校之盛遠稱石室禮殿近世則石壁九經今皆存焉廣政七年其相母昭裔校雍都舊本

九經命平泉令張德釗書而刻諸石本朝因禮殿以祀孔子爲宮其旁置學官弟子講習傳授故蜀帥尙書右丞胡公宗愈作堂於殿之東南隅以貯石經蓋自東漢興平元年歲在甲戌始作禮殿逮我宋紹興六年丙辰歷年六百七十有三其間僞蜀刻石經之歲是爲晉開運甲辰至是一百九十有三年

趙希弁曰石經毛詩二十卷經注一十四萬六千七百四十字將仕郎試祕書省校書郎張紹文書蓋孟昶時所鐫

曹學佺四川名勝志諸刻今皆不存所存者孔門七十二子像石經禮記有數段在合州賓館中

吳任臣十國春秋母昭裔河中龍門人蜀左僕射以太子太師致仕常按雍都舊本九經命張德釗書之刻石於成都學宮孫逢吉成都人廣政中累官國子毛詩博士校定石經分刻蜀中逢吉與句中立法之功尤多

結埼亭集宋人所稱引皆以蜀石經爲證竝不及唐陝本石經其故有二一則唐石經無注蜀石經有注故從其詳者一則南渡後唐石經阻於陝不至江左故當時學官頒行之本皆蜀石經不知五百年來蜀石經何以漸滅殆盡予畱心按訪二十餘年仁和趙徵士谷林始得其毛詩二卷自南周至衛風耳如以朝饑爲朝饑蓋異聞也唐石經雖非故物然近來顧亭林考證之至詳世頗知畱心者而蜀本則絕無矣程克齋譏蜀石經謂

其春秋以甲午爲申午以癸卯爲葵卯然其書旣多自不無舛錯要之有足資考證者惜乎所見止此

吳任臣十國春秋後蜀主本紀廣政十四年詔勒諸經於石祕書郎張紹文寫毛詩儀禮禮記祕書省校書郎孫朋吉寫周禮國子博士孫逢吉寫周易校書郎周德政寫尙書簡州平泉令張德釗寫尔疋字皆精謹按玉海云論語尔疋張德釗書春秋經傳穀梁孝經孟子不題書人張德釗讀書志作德鈞誤矣

養新錄云後蜀石刻詩經殘本起召南鵲巢至邶風二子乘舟止經注皆完好經文之異于今本者江有汜之子歸歸上有于字三章皆同追其今今其作及不我能慙不下有以字昔育恐鞠無

下育字泄泄其羽泄作洩則承開成石經之舊爲唐諱也經注中淵字民字皆缺筆孟氏雖竊帝號猶爲唐高祖太宗避諱可見孟德貞觀之澤久而未亡而孟氏父子居心忠厚亦有君人之量焉碑於察字皆作宐蓋避知祥祖諱而於知字却不避當依古人二名不偏諱惟避下一字耳歐公五代史云知祥父名道蜀檣杙則曰名巘此刻道字屢見皆不缺筆似歐史誤也册尾有廣仁義學圖記蓋錢唐黃松石家所藏厲太鴻賤詩卽是此本流轉它姓今爲吳中黃蕘圃所得惜周南十一篇及鵲巢序遺失不可問矣

養新錄江有汜三章皆有之子歸句蜀石經歸上竝有于字予

考三百篇中云之子于歸者不少矣之子于征之子于苗之子于狩之子于釣皆四字句此篇亦當依蜀本有于字

養新錄昔育恐育鞠蜀石經無下育字以四字成句亦視他本為勝

